

HAUTESKUNDE LEGEA. Biltzar Nagusietarako hauteskunde legearen aldaketaren aurka agertu zen atzo Gasteizko Udala, PP, PSE eta UAren botoei esker. Gaur, berriz, Eusko Legebiltzarreko Mahaiak EAJ eta EAren proposamena bideratu ala ez erabakiko du.

Erredakzioa | GASTEIZ

Gasteizko ezker abertzaleko udal taldeak uste du hauteskunde legearen aldaketa Eusko Legebiltzarrean eta Biltzar Nagusietan eztabaidatu behar dela, eta ez Udalean. Horrenbestez, EAJri eta EAri ohartarazi die erreforma aurrera ateratzeko Sozialista Abertzaleak taldearekin aldaketa «orokorra» hitzartu beharko dutela Eusko Legebiltzarrean.

Jose Enrike Bert zinegotzi abertzaleak atzo gogorazi zuen azken hamasei urteetan bere taldeak behin eta berriz aldarrikatu duela Arabako koadrila «naturalak» errespetatzea, eta ildo horretan kritikatu zuen EAJ, gehiengo izan duen bitartean, beti baliatu dela egungo hauteskunde legeaz. Halaber, EAJri eta EAri leporatu zien legearen aldaketarekin Araban ezker abertzalearen botoak eskuratu nahi izatea. Alabaina, dei egin zien aldaketa ezker abertzalearekin negoziatzeko, Eusko Legebiltzarrean.

Adierazpenok hauteskunde legearen erreforma eztabaidatzeko Gasteizko Udalak egindako aparteko bilkuran egin zituen Bertek. Bozketan, Sozialista Abertzaleak taldea abstenitu egin zen. PPK, PSE-EEk eta UAK aldaketa arbuiatu zuten. Alfonso Alonso alkateak, gainera, erreformaren kontra manifestazioa antolatuko duela iragarri zuen, «hiritarrek euren eskubideen urraketaen aurka protesta dezaten».

Eako presidente Araban Manuel Ibarrondok, bestalde, «logikotzat» jo zuen koadrila guztiek gutxiengo ordezkari izatea Biltzar Nagusietan.

Bestalde, EB-IU legea aldatzearen aurka egotea kritikatu zuen atzo EAJko EBBko idazkari Josune Ariztondok. EAJko buruak EB-IUri gogorazi zion Eusko Legebiltzarreko hauteskunde legearen alde bozkatu zuela, ganberan ordezkari izateko portzentaia jaitsi zedin. EB-IUko koordinatzaile nagusi Javier Madrazoren ustez, berriz, aurreko hauteskunde erreformak ez bezala orain bultzatu nahi denak «ez du demokrazian sakontzen».

Edonola ere, Eusko Legebiltzarreko Mahaiak gaur erabakiko du lege erreforma bideratzen duen ala ez. PPK eta PSEk bideratzearen kontra bozkatuko dute, eta EB-IUk ez du oraindik ofizialki esan zein jarrera izango duen.

Hauteskunde legearen aldaketa Eusko Legebiltzarrean adosteko eskatu die SAK EAJri eta EAri

Gasteizko Udaleko ezker abertzalea hauteskunde legearen erreformaren bozketan abstenitu egin zen atzo, eta akordio «orokorra» lortzeko deia egin zien EAJri eta EAri



GORKA AVESTARAN / EFE

Alfonso Alonso Gasteizko alkatea Maria Jesus Agirre EAJko zinegotziarekin hizketan, atzo Gasteizko Udalean egin zen osoko bilera berezian.

JARRERAK

PP

Aldaketaren aurkako mozioa Biltzar Nagusietan

PPk Arabako Biltzar Nagusietan duen bozeramaile Santiago Abascalek «alderdi konstituzionalei kalte egitea eta alderdi abertzaleei, baita Batasunari ere, mesede egitea» leporatu zien atzo EAJri eta EAri, Biltzar Nagusietako hauteskunde legea aldatzeko proposamena aurkeztu izanagatik. Abascalek jakinarazi zuenez, PPK lege aldaketa arbuiatzeko premiazko mozioa

aurkeztuko du Arabako Biltzar Nagusietan. Ekimenaren helburua proposamena «sendo gaitzestea» izango da, bai eta egungo sistema mantentzeko eskatzea ere. Abascalek ustez, Araban hauteskundeak galdutoki dituztela badakitelako proposatzen dute EAJk eta EAK legearen erreforma. Batasunari eta ETari babesa ematea leporatu zien.

Bestalde, EAEko PPKo idazkari nagusi Carmelo Barrioren ustez, EAJ eta EAren proposamena Espainiako Konstituzioaren kontra doa, «foru erakunde dagozkien gaietan eskua sartzen duelako».

PSE-EE

Sozialistek Madrilen esku hartzea eskatu dute

Patxi Lopezek jakinarazi zuenez, PSE-EEk hauteskunde legearen aldaketaren tramitazioaren aurka bozkatuko du gaur, Eusko Legebiltzarreko Mahaiaren bileran. EAEko sozialisten idazkari nagusiaren irudiko, EAJren eta EAren proposamena «herritarren berdintasun printzipioaren aurkako atentatua» da. Arabako Aldundia berreskuratzeko «iruzur» batez baliatu nahi izate

tea egotzi die Lopezek bi alderdi abertzaleei.

Ildo beretik, Javier Rojo Arabako PSE-EEko idazkari nagusiak «inmoralitatetzat» jo zuen EAJren eta EAren asmoa eta Espainiako Gobernuaren «esku hartzearen» alde agertu zen. Bere hitzetan, «Madrilgo Gobernuak zuzenbide estatutaren tresna guztiak ditu hau eragozteko, eta hori da egin behar duena».

Neurriak aurrera egin ez dezan EB-IUk duen garrantzia azpimarratu zuen Rojok eta «koherentzia» jokatu eta neurria ez babesteko eskatu zion Madrazoren alderdiari.